



6
11 - 6
75




olotheca
Coll. Rom.
t. Jesu

22-6-64

6-11-6-75

22/





JAC. EMIL. SORINI

S. M. C.^{ca}

HISTORIOGRAPHI

PANEGYRICUS

*Pro Latij, Sabinae, Maritimae,
& Campaniae Populis*

CLEMENTI XI.

P. M.


Scriptus.



NEAPOLI, MDCCIIII.

Ex Typographia Felicis Mosca.

Superiorum Licentia.



Serenissima, ac Potentissima

MARIÆ CASYMIRÆ

POLONIÆ REGINÆ



Jacob. Æmil. SORINI



F. P.



AGNO hoc
tuo Panegy-
rim nomini
inaugurare
sanè debue-
ram REGINA :

*cum in ipso de Optimo Princi-
pe baud possem dicere, quin in-
tilligerem et de te loqui. Sum-
mum Pontificem CLEMENTEM
XI. laudavi : immò laudavi
& te ; quæ pulchrioris ejus-
dem*

dem gloria pars melior. Re-
 gium enim opus, tantique
 dignum Pontificis eximias
 almae Heroinae virtutes co-
 lere: parque eidem sors, ha-
 bere Reginam, quae ipsius
 pietatem adaugeat, cum imi-
 tetur. Adauges inquam;
 si maximus Clementis ani-
 mus habet quid ultro cre-
 scere possit, adauges pieta-
 tem suam; quâ Vir ille su-
 præ humanam conditionem
 in omnibus summus, in hoc
 fateri patitur, nescio an
 moderatione, vix posse tua
 respondere. Ea equidem ti-
 bi inest tam ampla, ut exu-
 berantiâ cordis profluat in
 ore, in vultu; adeoût du-
 bitaverim, Orbis obsequia
 maje-

5

*majestate plus exigas , an-
religione . Ob hanc etenim
ab ultimo Septentrionis
confinio , incauto itinere ,
climatum injuriâ , salute ne-
glectâ , Italiam appulisti :
Quapropter quisque obstu-
peret , inscius quid extrâ
Regnum quæritares ; cum
nemo cor tam amplum ha-
beret , nec ut cogitare pos-
set , quæ tu fecisti ; cogi-
tare scilicet , quòd , qui tibi
Sponsi Regis gloriosissimi in
reverentiam supererat , thro-
num relinqueres , ut sedem
quæreres Religionis . Sedem
enim tuam quærebas , ut in
illâ triumphum Magni Co-
njugis inviseres : immò tuum ,
prò quo pugnaveris . Pu-*

gnasti èt tu pro religione:
nam cum tu Regina, dum
eàdem in Viennensi pericu-
lo prò ultimo staret momen-
to, ditissimam tui gazam,
aureamque suppellectilem ad
belli impensas, deficiente
vectigalium araria, pigne-
rares; charius pignus, pri-
mævum Filium extremae for-
tunæ ipsa traderes; REGEM
JOHANNEM, etsi tibi regij In-
fantis octoni mensis ab fæ-
tum alvus ingravesceret, ex-
trà Regni limites ipsa de-
ferres; ipsaque, ni lachry-
mis Regnum reclamasset, ul-
trà ad castra procederet;
non est, non est Regina, qui
baud fateatur te dici eme-
ritasse sociam Victoriæ. Ita

ut Rex ille debuerit Hostem⁷
armis citius vincere, ne diu
ipse ab uxoris fortitudine
vinceretur. Prædicanda
quapropter moderatio tua,
quod bellicas laudes, quibus
te dederat inclyta Gallia Pa-
tria (ubi tantum, ob loci
dignitatem, merentur bo-
minis cum nascuntur; post-
quam nasci sub invictissimi
LUDOVICI MAGNI felicissimo
Regno, vidimus partem
esse non fortunæ, sed gloriæ),
quibus inde olim Rex conjux
innutriverat; & nunc Ge-
ner tuus, MAXIMILLIANUS PO-
TENTISSIMUS BAVARIÆ ELE-
CTOR, GERMANIÆ HÆROS,
DUX GLORIOSISSIMUS ægregie
colit; bellicas inquam laudes.

posthabes paci . Magis at-
 men admiranda , quod post
 obitum sponsi Regis (qui
 beu tandem occubuit mayo-
 re hominum damno , quam
 suo !) tibi adaugeres , non
 imminueres auctoritatem im-
 perij : nam , non amplius in
 subditos , sed in te ipsam il-
 lud exercens ; non Popu-
 los , sed populorum Reginam
 dominaris . Regnum ideo
 plus meruisti ; cum sine Re-
 gno Regina esse non desieris ,
 & videri . Quocirca frustra
 tu enim studebas , Regionem
 Venetam peragrans , titulo
 Marchionissæ de Jarosla-
 Wiâ te Reginam absconde-
 re ; si splendor decoræ faciei ,
 gestus eminens , regij mores

te publicaverant. Et quam-
vis nimia moderatio tua te
velle Privatam insisteret; re-
galia, quæ PATAVINI Thau-
maturgi Templo, vota su-
spenderas, cum ultra pri-
vatum saperent, te posse qui-
dem privatam personam men-
tiri, at non unquam ani-
mi regij, regięque manus
oblivisci palam ostendere.
Testantur enim & in LAURE-
TANA Domo liberalissimam
tui munificentiam pijsima
dona; quæ etsi auro gem-
misque perornata, adeo non
poterant pretiosa esse, ut ab
illis, quæ corde interiùs ob-
tuleras, pretio non vince-
rentur. Et cor ipsum, quam-
vis puriorem sanguinis par-

tem esfusi in lachrymis , ad
 Aram VIRGINIS reliquisses;
 ni buic te ad pietatis cultum,
 ad Reginarum exemplum in
 Urbium reginâ diû pla-
 cuisset superesse . Revera;
 quænam hîc Romæ non egi-
 sti ? patent cuique : un-
 de eadem referre , idem
 esset ac in lucidissimâ meri-
 die spectatorum theatro so-
 lem asserere . Jam Sacræ
 Ædes , Apostolorum limina
 assiduò invisa (quâ fre-
 quentiâ crescere eo magis in-
 te majestatem , non vilesce-
 re comprobasti) Erectæ Aræ;
 reparata Tempia; aliti Pau-
 peres ; Virgines nuptæ; De-
 viæ , à scortis restitutæ;
 Cænobia Monalium constru-
 cta,

Etā, jam ex se se faten-
 tur, ita ut mihi non liceat
 meliori laude prædicare. Di-
 cam tamen te erga beatissi-
 mum CLEMENTEM XI. P.O.M.
 velut erga numen, tali te
 præstare obsequio, ac vene-
 ratione; ut eidem fas sit
 annuere tibi, ne modum ex-
 cedas, & se deniquè esse bo-
 minem, ac te Reginam re-
 corderis. Quapropter Pane-
 gyrim hoc meum (quod dum
 prò Latii, Sabinae, Mari-
 timae, ac Campaniae Regioni-
 bus ORATORIS munere per-
 fungebar, Pontifici scripsi) &
 spero posse tibi oblectamen-
 tum afferre; mihiq; ex rega-
 li tua munificentia magnam
 obtinere mercedem, quæ erit-
 REGINÆ PLACUISSE.

M Andato Illustriss. Domini Januarij de Auria Vicarij Generalis vidi Panegyrim Clementis XI. compositum à D. Abb. Jacobo Æmilio Sorini Regio Historiographo , & cognovi dignissimum esse , ut ob ingeniosissimam ejus sublimitatem, præstantemque facundiam Typis mandetur . Neap. Domi Professæ Soc. Jesu 22. Septembris 1703.

J. DE LUCIJS Soc. Jes.
Revisor.

13

Index Virorum ; & Principum,
qui in Epistolâ ad Regi-
nam, & in Panegyri ad
Pontificem, lau-
dantur.

Johan. Subjeski, quondam
Polonię Rex. p.5.8.

LUDOVICUS MAGNUS Gallia-
rum Rex. p.7.

Maximilian. Dux Bavariz. ibid.

Alex. Falconierj Commissar.

Gener. Põtificius. p.17.33.34.35.

Job: Æman. Dux Æscalonæ

Pro-Rex Neapoli. p.43.44.46.

Job: Franc. Dux Huzedę Ora-
tor Hispani Regis ad Põtif. p.46.

PHILIP. V. HISPANIAR. REX
CATHOL. p.46.47.48.

Horatius, & *Bellardina*, eo-
rumque Filii *Albani* è Do-
mo Pontificia. p.51.52.

N. Sergardi Romanę Curiz
ex primariis. p.53.

PA-

P A N E G Y R I C I

A R G U M E N T U M.

EAM Italia partem, quæ per Latij, Sabina, Maritima, Campaniæque Regiones extenditur, & quæ Ecclesiæ imperio subjacet, banniti, sicarii, latrones, seditiosique viri ægrè instabant. Undè Pontifex non tam questu, & lachrymis incolarum motus, quàm in ipsos amore, expedito Commissario Generali militum copijs, pessimum id genus hominum radicitus interemit. Ideoque Gens illa gratum sui ergà Principem animum ob tam expetitum beneficium, hisce verbis sensit per Oratorem explicare.

P A N E G Y R I C U S.



RANDE, clementiss. Princeps, opus agimus; dum parem tuo in nos beneficio gratiam agere ag-

gredimur. grandius verò, si peractâ gratiâ, et tu illam acceperis, & nos aliud acquisiverimus beneficium: securitatem amoris tui. At sanè qualem te Principem non nosceremus, si haud amari crediderimus. Te Principem scilicèt nobis charissimum aliorum, quia & nos tibi. Patrem immo: nam sæpè, ut populos nimia amares indulgentiâ, Princeps esse desijisti. Atamen eodem tempore dignissimus

mus omnium, cum ergà subditos melior. Et si cæteri æquales tibi; aut quia tu ità sentis; aut ab hoc tantùm, quia illi à te vinci patiuntur.

Præstiterūt enim multis ab hinc annis Pontifices alij religione, alij prudentiâ, alij justitiâ, clementiâ alij, sanctitate omnes: Sed tu cunctas eorum virtutes in te solo complectens, tantùm suprâ illos excedis, quantùm eximiâ laude es inferior, quia præstantior moderatione.

Oh te beatum; cum ita in te dotes animi excellant, ut sint etiam moderandæ! Famam verò dum fugis præstantissimi Principis, majorem invenis; quia es: non videris. Moderanda tamen generosa ultrà modum beneficentia; cum talia nobis det beneficia, quæ sint læ-

læta tantum usquedum illa accipimus ; accepta verùm ità anteveniant , ut pænè odium pro gratiâ amatissimo benefactori cogamur reddere : nam non solum id verbis non possumus , sed neque reddendi desiderio. Gaudemus tamen , quod gratias Principi exolvimus , qui majus putat sibi esse pretium beneficii , istud magnum fecisse . Et magnum quidem fecisti ; dum opes , uxores , liberos , vitam ipsam , cuncta perditorum hominum barbaro juri , iniquo marti subjecta , nobis , nobis inquam (& vix credimus) reddidisti .

Magnum sane opus : & pro magno ALEXANDRUM FALCONERIUM , clarum stemmate , potentem ingenio , fortem animo , corporis proceritate conspicuum : uno verbo ; parem
one-

18 *Panegy. Sorini*

oneri virum elegisti. Sed tu facto quodam regiæ indolis tuæ, cum semper grandiora facias, quàm velis, illum parem negotiis elegisti: & cum parem dixeris, adeò crebuit in verbo, ut sola electione viri negotia superares. Rara felicitas Principum ministros bonos facere, cum tales dicant: rara Ministrorum se optimos posse reddere, cum tantum sciant cui Principi inserviendum: & subditorum rarissima tales habere Principem, & Ministros; ut, si ex nobis sint qui habeant, renuncient libidinem imperandi, majori felicitate parendi; & se se ipsimet meliori tutelâ non posse regere fateantur.

Fatemur sane: & ut audias quædam de tuis Gestis (nam narrare omnia, quæ vix
con-

concupi possunt, nobis fidem posterorum auferret) ut audias inquam præcamur. Unde *gratiarum actio*, quam nimis humilem, & imbecillem comparatione Gestorum, & Beneficii, nobis nunc est propositum tibi dicere; erit illustrior, erit validior: ac digna Principe, digna Populo continget Oratio, si tu illam tantum audiveris.

Jam gemebat Gens nostras; cum exhaustis patrimonij rebus, & parentum sanguine, sub avidissimo prædonum ferro, nihil ei remaneret, quam nature suffragium in lacrymis, & tanta vis suspirandi, ut damnare posset sui vitam ipsam, quæ per diem infelicem ei calamitates adaugebat. Nihil tamen plus illi metus, cum nihil

20 *Panegy. Sorini*

hīl plus haberet perdendum. Et cum hoc solatium afferret extremum malum , ut ultro crescere nequiret . Immo erat spei magnæ ultimum fatum momento expectare , postquam didicerat facilius mori , quam vivere.

Lugubria interea miserrum vota perabbundè expleverant scelesti homines : sicariorum , exulum , grassatorumque immanes turbæ catervatim irrumperant undequaque : & quicquid humanum genus habebat noxii , & indigni , hic se in clementia syderis , seu Regionum infortunium totâ Italiâ pœnitus advocarat . Tremebat ipsamet tellus sub tanto crimine : & si eosdem patiebatur sufferri , vel recusavit indignans tam nefarios absorbere , vel reliquit

San-

sancto Principi majori poenâ puniendos .

Ea sita est , ex Latij parte , ubi opportunitas loci finitimi Neapolitani Regni facinoribus faveret ; & vicissim in utrumque Dominium lætali commercio pestis illa hominum, ut grassaretur, annueret . Nec minori forte pèssimæ eorum indolis, montium innaccessæ rupes , horrida sylvarum antra, desertæque maris plagis refugium accomodaverant . Nam parùm ipsis videbatur, pejorum hominum conditionem sceleribus superasse ; ni, tentatis omnibus , quorum capax malignior natura, alia quæsiuissent in Regionis situ ab occasione peccandi.

Sed ad quid desertæ plagæ ? ad quid horrida antra ? ad quid inaccessible rupes ? tandem hæc

ce-



22. *Panegyri. Sorini*

cédunt. Habebant validiora munimina: quibus si æquiparare volumus, inania videmus & sudata per sæculum propugnacula. Erat desperatio vitæ; quam nihili exstimabant, nisi moriendo relinqueretur in arenâ. Eratque illis tam furibunda animositas, & arrogans audacia, ut, ni putassent nimium honorem concedere memoriæ Gigantum eos imitando, facinus ipsi tentassent in æthera, postquam in terris jam crediderant sibi ingloriam evasisse facilitatem victoriæ.

Non hæc est immago timoris nostri: non odij studium: non doloris affectus: non, græco themate, dicendi ratio. Nam nos felices! si majora non patrassent mala, quàm quæ narramus. Et si majora reticemus,
ma-

malorum est causa , quorum
adeo angit nobis adhuc ani-
mum pristina afflictio , ut ne-
get etiam levamen exprimen-
di ! Vos vos adeste viatores,
adeste agricolæ , adeste cives:
testes appellamus . Testium
vero non indiget communis mi-
seria!

Ob hanc ipsamet etiam ora-
tio nostra ægrè procedit : cum,
ut probetur fortis perduellium
pertinacia , contra eosdem non
fas est , nos nos inermes ad-
vocare . Dicant expertæ satelli-
tum , militumque cohortes , ju-
stitiæ administri . Audiamus: di-
cunt enim-oh pessimum genus
hominum ! immò , oh monstra !
sed & hoc nomen humanum ;
si , quin examinentur illorum
actiones , miremur tantum aspe-
ctus ! incultâ comâ , rigidâ fron-
te,

24 *Panegyri. Sorini*

te , truci supercilio , sanguineis oculis , impudenti ore , livido vultu , oblongâ barbâ ad horrorem neglectâ , totoque gestu ad ferociam composito; unde nos haud pudeat referre, quod semper vincere potuissent, cum solùm vidissent . Dum arma vero . . . Ah filete quæso ! nam fuere tam impii , ut etiam defunctorum , sed damnatorum nos terreat effigies expressa in verbis . Silete inquam, nec infandum nobis dolorem renovate , dum authores ostenditis . Nimis credimus : & non tam vobis , quam nostræ infelicitati ; quia si illos robur vestrum antea subjecisset , nos non tam diù illi cruciassent . Nihil atamen in humanis rebus adeò miserum , quod non aliquo modo profit . Miseras toleravimus, quæ

quæ, quicquid impoſterum nobis eveniet infortuniſ, facient ſuave, poſtquàm conſtantiam habuimus illas ſuſferendi. Miſerias quidem, quæ ſemper erunt exoptandæ, ſi ſemper ſimilem huic ab adorabili Principe conſolationem nobis meruerint.

Parce ideo, Sanctiſſime Pater, ſi conſolatione, nobis olim tuis queſitâ lachrymis, nunc gaudemus, Gaudes verùm èt tu; qui ſic amas bonum noſtrum, ut id nobis etiam ſanguine curares; immò curas, dum puriori ſanguinis chymo, lachrymis ſcilicet curas. Plus tibi gloriæ ob hoc unum in noſtrâ libertate, quam ob mortem militibus; quia iſti ſanguinem per venas ob mercedem effuderunt: tu, ut operi mercedem, & pretium augeres, per ipſos oculos effudiſti,

B

tan-

undè hoc interim prò nobis tantum toto orbi splendidiora lumina adumbrarentur. Oh Princeps quidem optimè, Pontifex quidem maxime ! Tu dignissimus omnium ter-optimus, & ter-maximus prædicari. Plures antè te appellari voluerunt : tu tantum, cum ter recusaveris, meruisti. Undè nemò imposterum dici vellet ; ne comparatione tui adulationis voces appareant. Vel majorem titulum, quam ter-optimi, quam ter-maximi quisque ambiret ; si appellari posset nomine tantum Clementis XI., quod ultra significat, & quo gloriosius dici nequit,

Videbas enim ea mente, quàm non solum amplissimi tui Dominiij Regiones, sed omnium fidelium Regna percurris, viatores innumeros in itinere expau-
pera-

peratos pecuniâ, denudatos veste ; illos miserè insepultos in viâ, illos jugulatos, illos ad truncum appensos, opibus avaritiam graffatorum, vitâ barbariem explevisse : aliosque peregrino pede ad quæstum fortis errare ; vel primis cædem invidere, nè miserius ipsi perirent necessitate vivendi. Videbas bubulcos non hilari tibiâ amores nympharum canere, sed à rapacissimis viris sibi gregem illos in prato, illos in ovile surreptum naniâ pastoralis complangere : nec eisdem ullum esse subsidium animi, quàm mutuâ commiseratione letari. Videbas in agri lirâ otioso incumbentes rastro cultores, cum illis essent in opere abrepta usque ab aratris jumenta ; quæ plus mugiebant sub gravi pondere latronis manuum, quam dum

glebas fatigato vomere proscindebant . Videbas segetem plùs sudore , quam imbre cultam ; totamque in illâ spem familiæ refecare , (ita inhumani quibus gladio pepercerant , fame indè occidebant !) Videbas barbarâ vindemia radere simul vites & ulmos ; ac sepe vinum illius , cuius antea sanguinem , bibere ; undè fas esset miseris matribus in æde à metu retentis corda præ dolore obdurata ad lachrymas provocare , ut haberent quo possent puellorum sitim extinguere . Videbas domuum , & in Suburbijis, suppellectiles expillare ; immo . . . , satis , Pater Beatissime : nam quæ foris , videre , quæ autem domi patrauerant , non potuisti ; aut quia fletus ab affectu motus tuis suspendit oculis videndi officium :

aùt

aut quia patrata scelera nimis
erant obscæna, ut à sanctissimis
oculis viderentur.

Nec nos illa tentamus referre:
horret animus; mens fatiscit: &
vix eadem nostro dignamus odio,
non quodd honore fatendi. Crede-
remus pejora meruisse; si jam pas-
sa tibi exprimendo, auderemus
Pontificis sanctimoniam temera-
re. Stupratas alloquamur spon-
sas: silent; & dilecti mariti fi-
dem putant offendere solâ cri-
minis cogitatione; in quo sanè
plus ipsarum formæ venustas;
quam modestia peccavit. Viola-
tas interrogemus viduas: lugent;
& irrigato defuncti conjugis tha-
lamo, penitentiam agunt pul-
chriorem castitate. Pollutas af-
famur virgines: mærent, &
postquam lilia lachrymis depu-
rarunt, timent etiam rubore.

dicendi maculare. Ob Perditorum flagitia ! adeo enim sunt iniqua , ut erubescant conqueri qui patiuntur !

Stupra , cedes , rapine , sanguis , incendia ubique : & si locus ullus probitati , hæc effugerrat , ne , dum curaret alienam , propriam perderet innocentiam. Nos ipsi èt in Patriâ eramus exules ; nam cum istam impij colerent , nobis magis decorum videbatur , exules dici , quàm cives . Mala interea ad excessum evaserant : & patientia nostra nequibat se extendere , ne , cum excederet , virtutis limites transiret.

Tu solus , Princeps clementissime , mala nobis levasti , cum in partem venires : immò & amabilia reddidisti , dum agnovimus non tam esse nostra ,
quam

quàm tua. Nesciremus idcò illa abhorrere, postquam animum & sensus Principis occuparunt. Abhorremus tamen ; non quia tanti nobis fuissent exitij, sed quia nos fecerunt causam doloris tui.

Anxius diù, nocturneque prospiciebas salutem nostram : & humanam funditus perscrutatam prudentiam, precibus inde divinæ mentis oraculum consulebas. Laborabat hoc interim sub armis estus sanguinis afflicta Europa : & præsertim Italia servitio Martis exposita in pretium belli cedebat. Sevum Hispanis Gallis, Germanisque dissidium : hisque potior penè cura de oppressione nostra, quam de eorum victoria. Quapropter totum animum intendebas : ut, Princeps, tua jura servares : ut, Pater, Fi-

32 *Panegy. Sorini*

liorum amicitiam componeres :
 & ut, Pontifex, Fidem propu-
 gnares : cum armati Populi in
 Italiâ hospitarentur, quorum libi-
 do forsan (eorum invito Principe)
 non plus de Dominio, quàm
 de Religione certare.

Dum tot Principum itaque,
 totque Regum bella, sœdera : ac
 totius Orbis rerum molem in
 animo revolvebas, mirum fuit,
 quod simul & incolumitatem no-
 stram pensitares, quasi præter
 nos aliud agendum non habe-
 res. Non mirum vero, si tui
 introspeciamus divinitatem inge-
 nij, cujus est ingentia negotia,
 præ solatijs accipere : & si tuum
 erga subditos amorem ; quo sic
 diligis, ut nos à te nos ama-
 re apprehendamus : & quo non
 tantum nostrum in nos amorem
 superas, sed & ipsamet ultrà illum
 desideria.

Lau-

Laudamus ideò Martialis fatum evi; à quo didicimus melius Principem noscere: & credimus obortas ad nostram felicitatem tot imperii vices, tot armorum discrimina; nam cum Pontifex mentem in illis altiùs involutam ad nostra faciliùs distraheret, evenit nobis majori sic beneficio geudere.

Legatos ad Reges: arma, Duces ad castra vi, & consilio dimittebat; & dum belli, pacisque res communi omnium voto in diuturnis comitijs à Principe agitabantur, animum ipse & ad nostras calamitates simul advertens, hoc honore easdem sit potuit delinire cum tantùm cogitasset. COMMISSARIUM ideò GENERALEM, eumque universi Dominij sui nobis delegit; quasi unica salus nostra tanti esset mo-

menti, quòd universi populi consentirent . ALEXANDRUM FALCONERIUM : Egregium vitâ & famâ : & qui priùs , quàm venisset , & vidisset ; nomine tantum vicisset.

Venit ergo : stipatus agmine armatorum ; Cathaphractis Equitibus , Peditibus , ac Stationarijs ; & ubi robur ipsorum invalesceret Urbanici , Limitanei , Collectijque suffecturi. Venit : & insigni admodum , amplissimoque authoratus Diplomate : per quod manû regiâ Tribunal suum procederet ; more belli jus ageret ; Arces , Oppida demoliretur ; perduelles , ac sicarios dissiparet : quove Pontifex virum hunc adeò magnum fecit , cum agnoverit , ut nihil inter Principem & Commissarium differret ; nisi , quod is esset

set capax Imperij , & ille imperasset . Venit : sed majori , quàm ab authoritate , ab indole privilegio : virili in ore facundia , à qua prius devicti milites , postea didicerent vincere : gravi consilio , cujus regimine , plusquam armorum virorum exitus superaret ; & cui nil gloriosum erat gerendum , nisi quod difficile sibi , ceteris impossibile videretur : generoso animo , quo secunda ac adversa juxtà cognosceret ; si unquam ipsi adversa evenire , cum eadem semper sibi læta reddidisset ; & animo , quo nobis posset imaginem Principis Deo similis , sibi imitandi , in gestorum dignitate in majestate vultus exprimere .

Venit inquam : immò tu Princeps in illo venisti ; & oh

felix adventus ! fortunatissima
 dies ! Dies , quâ jucundiorē
 nec ipsemet splendidissimus sol fa-
 cere , nec nostrum sciet deside-
 rium expetere . Ob hoc unum
 atamen nobis infelix ; quod sem-
 per similem huic exoptabimus,
 & nunquam obtinebimus . Ce-
 lebrarunt Annales in Cæsarum
 monumentis lustricos dies : ce-
 lebrarunt præsertim et majores
 nostri apud antiquos Penates
 Augusti-Cæsaris sympatricis no-
 stri solemnes dies : sed nos &
 nepotes , non Augusti , qui for-
 tuito natali Patriam illustravit ;
 sed Clementis , qui amore no-
 bis illam restituit , imposterum
 celebrabimus . Illâ etenim diē
 nos cepimus ; cepit Gens fini-
 tima respirare . Et ubi incussus
 pavor spem nobis in invictum ho-
 stem denegabat ; fides à sancto
 Prin-

Principe, in invictissimum etiam miracula promittebat. Et sanè ultra humanum erat tentare, quod pauci auderent, plerique vellent, sed omnes potius paterentur!

Tabellas undique affigere; vulgare edicta; jura ponere; Præsides admonere; exploratores emittere; excubias, præsidia, stationesque construere; Copias ducere; Gregarios colligere; expeditiones inscribere; vallare arces; montium secessus, sylvarum aditus, maris litora præmunire: omnia, quæ mens negotijs adulta vix diutino consilio disponere, manus tua velocior consilio, per ministrum, ò Principum optime, (& liceat) divina ope Imperatorum fortissime, citò valuit, citò adimplere.

Hec

Hæc itaque, ac talia componebas mirabili quadam agendi felicitate, quæ etsi non parvæ regiæ mentis arbitrio ad imperium nato, cæterorum atamen vires excederet, nostrum omnium vota superaret: ac tam agili celeritate, tantoque ordine procedebas, ut (quod obsolet in implicatâ rerum serie) nil confusionis adesset, quàm, quæ, dum celeritas ordinem, ordo celeritatem inter se se contenderent anteire, facilius negotium explicaret. Nos interea beneficio, priusquam haberemus, fruebamur; nam, cujusque animus, & sensus in tui gestorum admirationem omnino suspensæ, obliviscebantur doloris sui. Nihilque, post tot mala, antiqui doloris supererat, quàm ejusdem penitentia. Et
 peni-

pēnitere nos sanè oportebat,
quòd nimius dolor nobis usque-
dùm spei beneficium distulisset.
Sed parce : inter tot ærumnas,
tot jurgia , totque flagitia au-
daciam credidimus sperare quòd
nec cupere poteramus . . Ultra
miraculum nobis videbatur : nec
aberravit turbata mens , quia
voto & lachrymis vix obtinui-
mus ; nec earum suffragio à te
obtinuimus , sed tuo . . Tuo sa-
ne ; nam quod supplex fiducia
nostra nequivit , tua in nos cle-
mentia meruit beneficium : be-
neficium , quod & postquam
meritum semper crebuit ; nam
tam ampla haud esse poterat con-
cessa à te nobis fiducia nostra,
quòd longè amplior in elargien-
do non esset clementia tua.

Magnum equidem opus !
clementiâ vicisti , quæ armis alijs
non

non poterant : arma tractasti , ut
illam exerceres : & hoc mirum ;
quòd , dum severiorem justitiam
ageres , eo magis clementiam
comprobares . Ambo , & offensi
& offensores ; & castigati , quàm
benefacti laudabant manum : alij ,
quìa salutem , libertatem , vi-
tam ipsam restitutam accepe-
rant : alij , quìa carceres , tri-
remus , luctus , & funera pu-
tabant dulcia , cum non paria
criminibus reputarent ; vel quìa
crederent fortem esse ex judicio
sancti Principis mori ; ne , si ul-
trà viverent , atrocius fatum
subirent . Et erant , nos vidi-
mus , qui funes & secures oscu-
larentur supplicij sui ; eo quòd
eis negarent posse amplius de-
linquere in Principem ; in quem ,
uti in vivum Dei simulacrum ,
tam altus honor & reverentia ,
ut

ut tandem etiam impij , priusquam denuò offenderent , perirent!

Nobis verùm adeò implet animum felicitas rerum , quòd, dum eidem vix credimus , ipsam , ut certius credamus , libido quædam nos mulcet continuò prædicare. Patriam itaque reparatam , fortunas incolumes; non arma , viros canimus : victoriam , non pugnam celebramus . Artes pugnandi , studia vincendi , strategemata non fas dicere : mens jucunda nunc nimis horret belli discrimina , dum quietis beneficio lætatur & gaudet . Haud possumus funestâ narratione partem perdere tantæ felicitatis : timeremus denuò sub casu contingere salutem nostram, si nunc renovatâ memoriâ dissidij, illam in ambiguo poneremus.

mus . At quę fari nolumus , etſi vellemus , nequimus : hæc ſpem anteivit , pugnam victoria . Quę non humanum erat tentare divinitus Princeps ſuperavit : & cum viciffet illâ tantum cœleſti vi , quam Deus præfertim illi , ille Miniſtris impartitur ; ſanctius nobis erit , ac reverentius de actibus divini Principis credere ſemper , quàm ſcire .

Credimus ſanè beneficio , quod , vindicatâ injuriâ , nunc experimur . Nonne fracta tandem obdurata perdueſſium pertinacia ? Jam quieſcit Republica ; nullâque in Principem discordia civium , quàm glorioſâ contentione parendi . Nonne evaſa diſertorum immanis turba ? Jam viatoribus ſecuri tramites ; & placidior peregrino , quàm in ſtrato , ſomnus
in

Clementis XI. 43

in viâ . Nonne destructus avidiſſimus latronum conventus ? Jam tutè ubiquè res ; nullàque meliori custodiuntur cautione , quàm publica securaritate . Nonne dissipata truculenta ficariorum acies ? Jam uxoribus mariti , parentes liberis gaudent ; & cognato simul cum ſanguine gratias agunt de vita cui reſtituerat . Nonne corruit proſolata rebellio ? Jam inter utriusque Dominiſ conſinia liberum amicumque Populorum commercium ; & aboletà conjurationis Magnatum Regni infami Tabulâ à SAPIENTISSIMO PRO-REGE (qui , teſte Oratore noſtro , teſte Orbis univerſi famâ , ob eximias regiasque virtutes , & ſuprà ceteras , prudentiam ac religionem ; voce Populi , voce Procerum ; an à Deo , an à Rege da-

datus , nescij ; *Pater tamen Patriæ , Patriæ Restitutor* , dicitur & prædicatur) & aboletâ , inquam , conjurationis infami Tabulâ , evasit ab his Regionibus nefaria societas : ac tam alta quies in hominum vultu , in agris , in ædibus , undique apparuit ; quod ipsamet saxa vim afferrent nature , ut celebrarent , ni quietis officium esset , filere .

Non filemus nos atamen : profluunt ex se se grati sensus et invito ore ; quia cor nimis angustum haud patitur retinere . Immo in tam amplâ lætitiâ unicuique meror superest : inepta facultas exprimendi . Et filebimus nos , quæ de Principe nostro in nos egregiè peracta æternus honor annalium celebrabit ? *Montem-Fortinum , Concham , Supynum , Hardæam , Vallem-Montonis ,*

tonis ; *Segnium* , totque innumera perditorum receptacula , munitè à naturâ ad delusionem artis constructa , depuravit ! Sat enim esset , etsi majora non egisset ! Loca sub infausto condita sydere : ubi omnes homines quodam fato nascuntur , ut peccent culpâ potiùs originis , quam suâ : adeo ut nemo antehac agnosceretur ut civis qui probus esset.

Puduit eos tandem , Pontifex Maxime , parere Principi , cujus imperium nunquam meruissent : & mutati post seculum mores , posse influere in homines sydera , sed non cogere ; & sub optimo Principe malos subditos non faciliè vivere comprobarent.

Pendebant ex illis Oppidis Regionum nostrarum infortunia ,
finiti-

finitimique Regni dissidium, cum
 illic pejorum hominum essent
 refugia; & seditiosorum conjura-
 rata comitia ad stipendium ca-
 lata inscriberentur. Quapropter
 quantę esset molis & momenti
 hos nefarios Conventus dissipa-
 re, satis superque testatur ope-
 ra, quam huic negotio dedere
 ille. MAGNUS PRO - REX JOH.
 ÆMANUEL DUX ÆSCALONÆ; &
 JOH. FRANCISCUS DUX HUZEDÆ
 apud te Catholici Regis Ora-
 tor amplissimus; Viri ambo
 consultissimi; pares unius regij
 PACHECORUM sanguinis clarita-
 te: pares mentis & animi magni-
 tudine: & qui non distingun-
 tur, quàm emulatione sapien-
 tię.

Hęcque in illis melius com-
 probatur, dum REGIS ministero
 funguntur, *qui sapientissimus*
lau-

laudatur , quia bene elègit . Lau-
datur atamen , te jam aperte
patet , Clemens Beatissime , lau-
datur inquam PHILIPPUS REX
et ob eximiam pietatem , ac re-
ligionem : quia , si à prædecesso-
ribus Hispaniarum Regibus non
accepisset cognomen CATHOLICI,
is à te facile meruisset . Splen-
det hoc potissimum Dei munus
in regia indole honesti vultus ;
quo non solum innumeris tot Re-
gnorum subditis Populis , sed
cuique mortalium illum spectan-
ti , habuit à naturâ posse impe-
rare magis , quam velle . Adeo-
ut Hostes , qui formidabilem
ejus armorum potentiam baud
timent , timeant affabilis faciei
majestatem videre , ne superen-
tur . Prudentia , fortitudo , ma-
gnanimitas , & beneficentia ,
præcipuæ ejus animi dotes om-
mit-

48. *Panegy. Sorini*

*mittantur : solâque tantum laude, in quâ omnes aliæ continentur, patiatur attolli : tibi scilicet assimilari . Inter vos enim dari similitudo virtutum & vicissitudinum, eventum didicimus; cum et te in Pontificem, & illum in Regem uno eodem tempore salutaverimus . Parce verum, Pater Sancte, Oratori nostro SORINI, à dicendi proposito evasisse; eumque REGIS sibi BENEFactoris attigisse laudes, quibus suam gratitudinem ostenderet, nostram Orationem illustraret, tuamque famam & gloriam adaugeret . Non abberaverit tamen, si tibi placuerit : &, quod placuerit, facile attendimus ; quia dum amicum, filiumque tibi dilectissimum laudaverit Principem, tuam tuis laudibus non leserit hoc
inte-*

interim moderationem.

Heroica hæc quidem virtus . Et quæ tam propria tibi, ut ipsa , ni animum tuum timeret offendere , non amplius MODERATIO dici vellet ; sed, pulchriori agnomine , CLEMENTINA appellari . Ea est , quæ adeò alienum olim te fecit à cupidine Imperij , ut parum effugeret , quòd haud dignus videreris ; ni, major privato vilus, dum privatus esses ; & omnium consensu capax Imperij, eo quod illud recusaveras . Datur atamen grandior virtus , quæ te latet , Pontifex maxime . Illà enim carere non debes , qui cæteras possides . Eamdemque habebis , si modum invenies moderandi nimium moderationis affectum ; & te laudari permittes .

C Non

Non autem à nobis : quibus satis est æquè posse laudare beneficium , quo vivimus ; non audere , quod ultra vires : te , & te benefactorem . Credimus verum , quòd sicuti plerique Principes hoc unum infatiabiliter à scriptoribus petunt , prosperam sui memoriam , ut suum cuique decus rependat posteritas ; ità extare Principes aut gestorum glorià , aut privilegio virtutum ad summum illustres , qui nimia moderatione significant , scriptoribus non indigere . Dum ità loquimur , jam scis non de Clemente Principe loqui . Cum fortunâ Principum loquantur alij : nos tecum . Tecum itaque , ALBANUM alloquimur , cum de incomparabili tuâ religione ; quâ , illius esse caput ; antequam esses , merebaris ,

baris : de præclarâ pietate , sed quæ non destruat justitiam : de justitiâ , sed quæ humaniorem efficiat clementiam , nos non ad tui encomium , sed ad aliorum exemplum , ad nostrum documentum meminimus. Quamvis , idem sit ALBANUM ; quàm Principem loqui : nam , cum munera Principis adeptus fueris , nihil in vultu , habitûque moris mutatus , te potius factum à naturâ ad Imperium , quam electum à Patribus ostendisti.

Hæc est enim non tam mentis tuæ , quam ratio sanguinis : quia si miremur HORATIUM Germanum fratrem sapientissimum ; hujusque conjugem BELLARDINAM electissimam feminam ; Annibalis , Caroli , & Alexandri nepotum serietatem ac elegantiam : eorumque om-

nium incessus , genus vitæ , comitatem , mores , ingenia ; illos sanè , quamvis non essent, è Domo Principis diceremus. Et fas erat eosdem aliquid regium sapere , uti decet prognatos ab illo excelsò viro , alio ALBANÆ Stirpis Horatio , qui olim amplissimus almæ Urbis SENATOR locum principem adimplebat : Quique comprobavit , quod si ob temporum vicissitudines jam invaluit vetus & grande Dictum illud de Romanis Civibus , meritò mutari posse , & dici ob Senatoriæ dignitatis majestatem . *Quot Senatores , tot Reges.*

Quapropter in te alta indoles semper eminuit ; nec privatus distinguebaris à Principe, nisi quod tunc uti privatus illas splendidissimas virtutes sciebas,
quas

quas nunc uti Princeps exerces.
 Supremam scilicet , integram-
 que consilij ac imperandi ratio-
 nem ; quâ tui vastissimum Do-
 minium dirigis ; moderaris bel-
 le Regum ; fœdera meditaris.
 Regalem munificentiam ; cujus
 liberali ope studia spiritum &
 sanguine sub te recipiunt ; ac
 (uti eloquentissimus Orator
 SERGARDI nuper in ædibus Ca-
 pitolij facundiâ , quæ par loco
 foret , de te prædicavit) inter
 commune martis infortunium,
 eas alis artes & colis , quæ otij
 appellantur & pacis . Ac tan-
 dem paternam in subditos be-
 neficentiam ; inter quos non
 sunt , & gloriamur , qui me-
 lius testari possint amorem Prin-
 cipis , quam nos obsequentissi-
 mæ *Latij, Sabinae, Maritimæ,*
Campaniæque Gentes , quæ
 quic-

quicquid habemus libertatis & boni ex illo fatemur esse : totque ultra accepisse beneficia , ut non sit æquale pretium èt vitam ipsam rependere . Tametsi id agere studeamus *Gratiarum Actione* ; quam si verbis non licuerit explicare , non causa fuerit animi nostri ., sed magnitudinis beneficij . Parce ideò PONTIFEX OPTIME , OPTIMORUM MAXIME : & concede , esse quoddam novum gratias-agenti genus , si ex tuis beneficijs se enutrient qui tui nominis gloriam per secula celebrabunt ; & qui semper similem tibi Principem voto expetent , quamquam, Hercle ! fas erit semper dissimilem tolerare . At tu CLEMENS tandiù vive , & feliciter regna , ut nos neque similem unquam debeamus expetere .









